



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 17. De fugatis è templo negotiatoribus.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

6. Ad B. Virginis preces hydriæ impletæ sunt aqua, quam postea Dominus conuertit in vinum. O quoties clementissima Dei mater compatiens peccatorum miserię precibus suis impetrat, vt dura eorum corda impleantur amarissimis contritionis lachrymis, quas postea Dominus, sublata culpa, & collata gratia, in suauissimum caritatis, diuinarumque consolationis vinum conuertit!

7. *Omnis homo, inquit sponsus, primum bonum vinum ponit, deinde quod deterius est.* Hic mundus defraudator, est peruersus ille hospes, qui suis amatoribus initio præbet bonum vinum, dum eis omnes huius vitæ voluptates, amores & delicias exhibet, quæ tandem terminantur in æternam amaritudinem, sicut scriptum est. *Ducunt in bonis dies suos, & in puncto ad inferna descendunt.* Contra, Christus est, qui bonum vinum reseruat in finem. Nam in hac vita seruis suis immittit multas afflictiones & tribulationes secundum illud, *Arcta est via qua ducit ad vitam, gaudia verò & cõsolationes reseruat in alteram, vbi illis perfruentur in æternum.*

Iob. 21.

Matt. 7.



MEDITATIO XVII.
DE FUGATIS E TEM-
PLO NEGOTIATORIBVS.

PVNCTA MEDITATIONIS.

I. *Eiecit de templo vendentes & ementes: facto de funiculis flagello.*

Ionn. 2.

C 4

II. Num-

II. Nummulariorum as & mensas subuertit.

III. Vendentibus columbas mansuetè inquit: Auferte ista hinc, & nolite facere domum patris mei, domum negotiationis.

PROPHETIÆ.

Psal. 29. 1. **D**omum tuam decet sanctitudo Domine.

Psal. 68. 2. Zelus domus tua comedit me.

Iere. 23. 3. Propheta & Sacerdos polluti sunt, & in domo mea inueni malum eorum.

Ose. 9. 4. Propter malitiam adinventionum eorum, de domo mea eijciam eos.

Zac. vi. 5. Et non erit mercator in domo Domini exercituum in die illo.

DOCUMENTA.

1. **I**ngressus est Iesus in templum. Deus spiritualiter quotidie ingreditur Ecclesiam, & considerat, vt quisque se gerat, & conuerfetur in illa; & ideo caueamus ne inueniamur deditos iocis & nugis, vel inuolutos odijs, cupiditatibus & actionibus illicitis: ne ex improviso deprehensi, ab eo flagellis à domo sua exterminemur.

Prou. 5. 2. Christus fecit flagellum ex funiculis. Funiculi designant peccata, quibus homo quasi funibus constringitur & ligatur, vt intelligamus Dominum ex ipsis peccatis nostris sumere

re ca-

re castigandi materiam eo quod peccator, dum perseverando in malo, adiungit peccata peccatis, non aliud, quam multiplices funiculos, è quibus conficiatur flagellum, quo à Domino postea castigetur.

3. Per oves à Christo è templo eiectas significantur, qui specie pietatis vel sanctitatis studēt alios decipere, vel hominū laudes aucupantur.

4. Boues, quæ sunt animalia laboriosa, & seruiunt ad colendam terram, designant Prædicatores, quos tunc Christus expellit è tēplo suo, quando non ex amore Dei & zelo animarum, sed ob quæstum, aliaque commoda temporalia caelestem doctrinam annuntiant.

5. Columbas vendunt, & arguuntur à Christo illi, qui receptam Spiritus sancti gratiam non gratis, uti deberent, sed pro mercede & pecunijs communicant alijs: atque etiam non secundum hominum merita, sed secundum favorem & gratiam humanam.

6. Illi mutuo dant pecunias cum vsura in Ecclesia, qui Deo non integrè seruiunt, sed simul aliqua ex parte mundo & rebus terrenis: & qui non pure in suis rebus quarunt Christum eiusque gloriam, verum etiam proprium suū commodum & honorem.

7. Christus malos negotiatores è templo eiecit non verbis solum, sed etiam factis, ad informandos Prælatos & omnes Ecclesiæ Rectores, quam rationem in corrigendis subditis tenere debeant, nempe ut quando paternæ admonitionis suauitas ad eos emendandos non sufficit, adhibeatur animaduersionis seueritas.

8. *Zelus domus tuæ comedit me*, inquit *Psal. 68* Propheta in persona Christi. Si ergo actiones Christi, sunt nostra instructio, merito debet quis Christianus eundem zelum habere erga

proximos, qui sunt domus Dei. Vnde cum videmus fratrem nostrum currere ad vanos ludos, ad congressus lasciuos, aliaque proximorum offendicula, similiter cum audimus blasphemantem, murmurantem, conuitijs alios laceffentem, debemus eum admonere, absterere, reprehedere, & quatenus possumus a malo reuocare. Si enim fuerimus frigidi, & nobis tantum, animaque nostrae, neglecto proximo, attenderimus; recordemur illius serui pigri, qui talentum suum absconderat. Is enim neque accusatus, neque punitus fuit, quod talentum abiecisset, sed quod otiosus eo vti noluisse.

Mat. 25.



MEDITATIO XVIII.
DE COLLOQVIO DOMINI CVM SAMARITANA.
PUNCTA MEDITATIONIS.

- Joan. 4.* I. *Discipulis in Ciuitatem Sichar pro cibo euntibus, IESVS fatigatus, apud puteum sedens petijt à Samaritana potum.*
- II. *Mulier miranti dixit: Si scires domum Dei petijsses à me aquam viuam, dixitque ei se esse Messiam, significans Patrem esse, qui querat adoratores in spiritu & veritate.*
- III. *Discipulis monentibus, vt manducaret,*